

丹臺玉案

丹臺生案卷之二

明子文德自漢學孫文胤對薇父蔡著

富鴻學廉友東屠壽徵山靜父較正

平波心庠盟弟俞允昌爾迪父

弟江國春如一父

全閱

三果門

夫海... 月天... 寒水冰地凍而成殺厲之氣

體... 化之... 則即病名只正傷寒不即病

者乃... 任... 于... 之內至春因溫

丹臺生案

暖之。至夏因暑熱而發者名曰
熱病。凡治傷寒必先辨明大經
而後。一二日之間便覺頭頂痛
。腰脊痠痛。太陽病也。而
。脘之則尺寸俱浮。浮而有力為傷寒。浮緩無力為傷
風。而太陽經症可辨矣。太陽病已以次而傳經。必傳
于胃。發于二三日之間。便覺目疼鼻乾不得眠。目眩
潮熱不惡寒。而反惡熱者。乃太陽陽明胃經受病也。
而脘之則尺寸俱長。長而微洪者。臟病。長而沉數者。

瀕病而陽明瘥可辨矣。陽明病也。以次而傳經必傳于膽。發于三四日之間。便覺胃脘痛而耳聾寒熱嘔而口爲之苦。乃是少陽膽經受病也。而診之則尺寸俱弦。弦而滑數者病發厥。弦而和者病欲散。而少陽經病可辨矣。少陽病已。以次而傳經必傳于脾。發四五日間。便覺腹滿或痛。而咽喉乾燥。人便不通小便如常。或自利。手足溫而渴者爲傳經。胸熱起無頭疼發熱。但惡寒自利不渴。手足冷者爲直中陰經。乃是太陰脾經受病也。而診之則尺寸俱沉。沉實有力爲

裏實熱。沉遲無力爲裏虛寒。而太陰經症可辨矣。太陰病已。以次而傳經。必傳于腎。發于五六月間。便覺口燥舌乾而渴。手足乍溫乍冷。便秘譫語者爲熱。或泄瀉清穀不渴。手指甲而青者爲寒。乃足少陰腎經受病也。而脛之則尺寸俱沉。沉而有力。別其寒。而少陰經症可辨矣。少陰病已。以次而傳經。必傳于肝。發于六七日間。便覺煩懣而囊縮。譫語而渴者爲熱。口吐涎沫。小腹痛不渴。身冷如水者爲寒。乃足厥陰肝經受病也。而脛之則尺寸俱沉。沉

實有力是其熱沉遲無力是知寒浮緩者病自愈而厥陰經症可辨矣。又有兩感傷寒者何也。假如一日太陽與少陰俱病。頭疼爲太陽邪盛于表。口乾煩滿爲少陰邪盛于裏。二日陽明與太陰俱病。身熱譫語爲陽明邪盛于表。不欲食腹滿爲太陰邪盛于裏。三日少陽與厥陰俱病。耳聾爲少陽邪盛于表。囊縮而厥爲厥陰邪盛于裏。若水漿不入。又不知人者。六日死。以其一臟一腑同受其邪。此兩感之所以不救也。然其間亦有輕重之不同。表重于裏者。宜先救其表。

而後及於裏。裏重于表者。宜先救其裏。而後及于表。此又求于一生于萬死之中。不得已而施治也。其不兩感於寒。更不傳經者。至七八日間。其本經之邪漸退。至十二日則精神清爽而自愈。然傷寒傳經種種不同。未可執爲一定之序。有始于太陽。以次而傳入陰經。而不傳少陰者。或太陽不傳陽明。少陽而卽傳少陰者。或不由陽經而直入陰經者。或始終卽在一經。而不傳者。或二陽三陽同受。而爲合病者。或太陽陽明先後受。而爲併病者。種種不一。詳審而治可也。

又有中寒一症。或卒中天地之寒氣。或口得寒物直中陰經。六脉沉弱無力。身倦手足厥冷。口禁不語。非若傷寒之邪。循經漸深也。然真正傷寒。與感冒傷寒。及似傷寒。而非傷寒者。何以辨之。蓋寒者冬月嚴凝。肅殺之氣也。白霜降以後。春分以前。皆屬冬。此時感冒而卽發者。乃爲真正傷寒也。若冬傷于寒。不卽病。至春分後而發者。名曰溫病。其症發熱咳嗽。身痛口渴。不惡寒。其脉弦數不緊。右手反盛於左手。蓋怫然在內故也。冬傷于寒。春亦不病。到夏至後而發者。名

曰熱病。其脉洪數。其症熱渴。比春更甚。溫熱二症俱不惡宜。而渴不惡寒。則病非外來。渴則熱自內達於表間。有惡寒者。乃冒非時暴寒。非若冬月之甚也。其有不因冬傷於寒。而春自傷于風。夏自傷于暑者。則自有傷風傷暑之別。而又不可以溫熱並論矣。或有感於天行時氣。而病相同者。謂之溫疫。其症頭疼身痛。發寒發熱。一家一方。長幼傳染者是也。或足膝等處。忽然紅腫。或軟弱發熱。頭疼。謂之脚氣。傷寒。或心腹飽悶。嘔逆。頭疼。發熱。惡寒。不手。臨牀緊盛。左下三

部和平。而身不痛者是傷食也。若頭痛而身亦痛。左
右手俱緊盛。謂之夾食傷寒。左手脉來緊盛。右手洪
滑。或寸脉沉伏。身熱惡寒。隱隱頭痛。喘咳煩悶。胃腸
體痛。是夾痰傷寒。頭痛發熱惡寒。但右手脉來空虛。
左手脉來緊盛。是勞力傷寒。左手脉來緊瀦。右手脉
沉芤。心胃脇下小腹有痛處。汗至脛而回。是蓄血傷
寒。太陽症則如狂。陽明症則善忘。少陽症則寒熱似
瘧。此皆類傷寒而非傷寒也。其餘傷寒中雜症頗多。
不能枚舉。皆諸病門中所有者。但雜症一兼傷寒。卽

所謂傷寒雜症。醫者以意求之。則不言而自喻矣。

立方

神仙粥 治身熱作飽。不思飲食。頭疼。胃雨受寒。一

時無覓醫處。此法取汗。

用帶皮老薑。三兩搗爛。將熱酒泡飲。出汗。輕者

即愈。重者可解一時之急。

麻黃湯 太陽症。頭頂痛。腰脊強。發熱無汗。宜此湯

亦主治而汗之。

- 麻黃 一兩
- 桂枝 一兩
- 甘草 五錢
- 杏仁 五十枚

作一劑。每服用五錢。水煎溫服。汗出為度。無汗者。服春分後。忌之。用此藥發汗不出。脈弱者。無傷。及不至足者。為難治。身熱不退。脈愈燥者。難治。

葛根湯

陽明症。目痛鼻乾。不得眠。身熱無汗者。以此湯治之。

葛根 三錢
芍藥 錢半
桂枝 一錢
薑 三棗二。加黃

芩。名葛根解肌湯。

白虎湯 治渴而有汗不解者。

知母 二錢
石膏 五錢
甘草 六錢
粳米 小半
加人

參名。人參、白虎湯、無汗、大忌。

小柴胡湯

少陽症。胃肋痛而耳聾。往來寒熱。病在

半表半裏。此湯為主治。

柴胡

二兩

半夏

八錢

黃芩

甘草

人參

各七錢半

作五服。每服加薑三棗二。但人參

味亦宜斟酌。若邪氣未退。不可輕用。

大柴胡湯

治身熱譫語。不大便。惡寒。

柴胡

二兩

黃芩

七錢

芍藥

三錢

半夏

六錢

枳實

五錢

大黃

五錢

作三服。加薑棗。

桂枝大黃湯 太陰症肚腹硬滿燥渴咽乾或腹結

大便實者為裏熱以此湯主之

桂枝 大黃 甘草 枳實

厚朴 人參 芍藥 檳榔 甚者加

芒硝

附子理中湯 腹滿自利不渴者屬裏寒

人參 白朮 乾薑 甘草

附子

四逆湯 治四肢厥冷脉微欲絕者

乾薑 五錢
附子 二錢半
甘草 一兩
水煎熟冷服

大承氣湯 少陰症。口燥咽乾。譫語。五六日不大便。

手足心并腋下。澀澀痞滿。燥實俱全者。用此湯主

之。

大黃

厚朴

枳實

芒硝

各二錢半

小承氣湯 治傷寒傳裏有痞滿實而無燥堅者。以

此湯主之。

大黃 五錢

厚朴

枳實 各二錢

錢

調胃承氣湯

無痞滿而有燥實堅者

大黃 四錢 芒硝 三錢 甘草 二錢 枳實 二錢

厚朴 二錢 若初起手指甲青兼之腹痛嘔吐身

如彼杖脈細沉無力謂之陰毒急用四逆湯溫之

外灸關元氣海復其陽氣不効即死

麻附細辛湯 本經身發熱四肢冷指甲青腹痛脈

雖沉亦有可汗者此湯主治

麻黃 二錢 附子 三錢 細辛 一錢 甘草 五分

人參 二錢 黃連 一錢 芍藥 五錢 以其無頭疼故

名少陰似太陽假若身不發熱豈敢輕汗之

桂附湯 厥陰症。煩滿囊拳。讖語而渴者。當下之。三承氣湯選用。口吐涎沫。小腹痛。不渴者。當此湯主之。

桂枝 一兩

附子 三枚

青皮

甘草

柴胡

各四錢

作三服。每服加姜三片。

陶氏冲和湯

兩感傷寒。雖不治之。痼然所稟有虛

實所感有淺深。若胎元稟得厚者。而所感得淺間

亦可生。如兩感陰陽未分。或陽先受病者。以此湯

治之。

柴胡

乾葛

石膏

黑豆

生地

防風

白芷

川芎

細辛

羌活

甘草

黃芩

大羌活湯

治兩感陰陽已分。

羌活

一分

獨活

防風

防已

黃芩

黃連

蒼朮

各八分

白朮

甘草

細辛

各三分

知母

川芎

生地

各一錢

煎服未解再服三四劑病愈則止。

又方。

陰陽兩感表裏未分用後方主治。

麻黃 升麻 乾葛 芍藥 各二錢

甘草 五分 蘇葉 青皮 香附

白芷 川芎 陳皮 各等分

每服三錢。加姜葱煎服。痞滿加枳殼。大抵兩感所

從陽可治。從陰難治。

九味羌活湯 春分後感冒傷寒。宜此湯主之。

羌活 蒼朮 防風 各一錢半 甘草

白芷 川芎 生地 黃芩 各一錢

細辛 四分 姜三棗二水煎加葱白搗汁五匙。

藥再煎熱服。覆取汗。原有汗去蒼朮。加白朮。
 服汗不止去細辛加黃芪。再不止加桂枝芍藥。
 不作汗加蘇葉。渴加知母石膏。嘔逆加薑。
 汁。有痰去生地加半夏。肌熱加柴胡葛根。
 喘加杏仁。虛煩加知母麥門冬竹茹。胸膈飽
 悶去生地加枳殼桔梗。便秘加大黃。中寒于
 經絡加附子。濕土司天倍蒼朮。久雨加木瓜。
 蒼朮。太陽症身眩倍羌活加藁本。陽明症身重加升麻。
 葛根。少陽症身重加柴胡半夏。太陰症身重加厚朴枳

實。少陰症加桔梗。知母。黃柏。厥陰症肝加柴胡。
倍川芎。此方通治六經傷寒。無有不驗。乃四時
傷寒之聖藥也。

回陽急救湯。治直中陰經。無熱惡寒。面慘。手足厥
冷。唇紫。舌卷。爪甲青黑。身重。難于轉側。不渴。臥多
踈足。大便泄利。小便青白。脉細沉微。

附子 乾薑

人參 甘草

白朮 肉桂

陳皮

匾吐加半夏。薑汁拌炒

腹痛甚加芍藥。木香。老薑汁。

利不止。加陳壁土炒升麻少許。口吐涎沫加吳
菜萸鹽炒。無脈。加五味子。猪膽汁。戰慄加附
子。麻黃。小腹絞痛加青皮。吳菜萸。水一鍾半。棗
二。生薑自然汁半盞煎。臨服入泥漿水澄清。一匙
溫服。

合病

或二陽同病。或三陽同病不傳者。太陽合陽明

升麻葛根湯。陽明合少陽。小柴胡合升麻葛

根湯。或通用九味羌活湯。

併病

始初二陽合病後二陽氣盛一陽氣衰併歸一經獨

重者陽明併太陽。麻黃湯合升麻葛根湯。少

陽併太陽。麻黃湯合小柴胡湯。少陽併陽明。

爲木剋土難治。小柴胡合升麻葛根湯。或通

用九味羌活湯。

加味理中湯。治中寒卽冬時直中真寒。一身受邪

難分經絡。手足厥冷。或腹痛嘔吐。甚則卒倒昏迷。

不省人事。脉遲無力。

乾薑

人參

白朮

肉桂

甘草

半夏

陳皮

細辛

茯苓

煨薑五片煎熟再入薑汁半盞服其

腹內外仍用薑炒熱時時熨之。輕則添木皮。

重則加熱附子。身甚寒者加麻黃。缺氣加水

香。嘔吐涎沫加丁香。腹痛加木香。砂仁。挾

食加草菓。枳殼。瀉不止加升麻蒼朮。外灸關

元氣海。再用蔥熨法。

溫病

此病發于春間經日發熱不惡寒。反渴者溫病也。公
表裏治之。表症如天溫。升麻葛根湯。如天寒。
柴胡桂枝湯。太陽合少陽敗毒散合小柴胡湯
太陽合陽明敗毒散合升麻葛根湯。陽明合
少陽升麻葛根湯。合小柴胡湯。半表半裏小柴
胡湯。裏症大柴湯。重者一時表裏俱發防風
通聖散。表裏俱熱大便自利者柴胡黃芩湯加
木通山梔。

巴葉石膏湯。治虛煩變雜症。表症已解。即毒未除。

熱結在內，心胃煩滿，渴甚，飲水無度。

石膏 五分 人參 二錢 甘草 七分 麥門冬 一錢半

淡竹葉 一握 糯米 一握 水煎入薑汁二匙

升麻葛根湯

葛根 升麻 芍藥 甘草

表熱加柴胡，內熱加黃芩，有吐衄血加生薑

牡丹皮 熱甚加山梔黃連，或加連翹，天花粉

大便秘加枳實大黃，頭痛加川芎，身痛加羌

活 痞悶加枳殼桔梗，咳嗽加棗仁，痰加半夏

發斑加玄參。如老人去芍藥加柴胡人參。

人參敗毒散

羌活

獨活

柴胡

前胡

枳殼

桔梗

川芎

赤茯苓

人參

甘草

皮膚瘡癢加蟬蛻。

口乾舌燥加黃芩去人參加

防風荆芥。

名荆防敗毒散。

小柴胡湯

柴胡

黃芩

人參

半夏

加薑棗

陶氏加陳皮芍藥。頭疼加川芎。胃中煩而不

嘔去參夏加瓜蒌仁。渴去半夏加知母天花粉。

腹痛去黃芩加芍藥。脇下痞悶加牡蠣枳實。

去棗。脇痛加青皮。心胃悶加枳殼桔梗。不

効加枳實黃連瓜蒌仁。去甘草茯苓。心下悸小

便不利去黃芩加茯苓。咳喘去參棗生薑加五

味子。炮乾薑。嘔加薑汁竹茹。虛煩加竹葉粳

米。吳茱加生地芽花。痰盛加瓜蒌仁桔梗枳

實。喘。加桑白皮。烏梅。熱盛錯語不眠。加山梔。

黃連。黃栢。少陽陽明合病。口燥目疼。加芍藥。乾

葛。壞症。加鱉甲。自汗惡熱。譫語煩渴。去半夏。

合四物。自汗惡風腹痛。或寒多熱少。脉弱去

黃芩。夜湯。血虛發夜熱。合四物湯。去川芎。

加麥門冬。知母。黃栢。脉弦虛無力。或浮散發熱。

煩燥。口渴不飲水。此為虛熱。去半夏。黃芩。合生脉

散。熱入血室。小腹痛。晝明夜昏。妄見。或寒熱不

定。似瘧。合四物湯。加牡丹皮。男子。加生地。

人加當歸紅花。瘥後發熱本方和之。脉浮加
蒼朮蘇葉。脉實加大黃枳實。寒熱似瘧而裏
未實者。桂以溫血。表熱而裏又燥渴糞硬者。
加大黃以清血。如無耳聾脇痛只則身熱發渴
譫語大便實者加大黃。

大柴胡湯

柴胡

黃芩

芍藥

枳殼

半夏

大黃

薑棗

昏亂譫語加黃連。山梔。痞滿加枳殼桔梗厚朴。

口燥渴。舌胎黃。加瓜蒌仁。夏月熱病煩燥脉洪。

大加知母。麥門冬。石膏。發斑。加生地。玄參。牡蛎。

皮。發黃。加茵陳。黃柏。鼻衄。加犀角。大便不。

通加芒硝。

防風通聖散

防風

川芎

當歸

芍藥

大黃

麻黃

薄荷

連翹

芒硝

石膏

黃芩

桔梗

滑石

甘草

荆芥

白朮

山梔

加薑三片

凡襍症。耳。目。口。鼻。唇。舌。咽喉。風熱。風痰。等疾。外。疔。癰。疽。瘡。癤。小兒驚疳。積熱。諸風。無所不治。如自利。去芒硝。自汗去麻黃。

清熱解毒湯

熱病。風於夏。脈細。小無力。足

冷如

得汗而燥盛者死

如下痢腹痛者亦不治

黃芩

知母

升麻

葛根

各一錢

石膏

人參

白芍

各一錢半

羌活

二錢

黃連

酒製五分

生地

酒製五分

生甘草

七分

薑三片

丹臺玉案

二卷

六

胸痞悶。加枳實。半夏。各一錢。薑汁四五匙。去生地

脾胃不實。加白朮。表症在太陽。九味羌活

湯。汗後煩渴。脈洪大。背惡寒者。白虎加參湯

益元散。益氣。大柴胡湯。重者。一時盛發。

雙解散。或防風通聖散。

白虎加參湯。即化斑湯。

石膏。知母。粳米。甘草。

山梔。麥門冬。人參。五味子。

天花粉。黃連。薑棗。烏梅。

心煩加竹葉。竹茹。小便短少加滑石。背惡寒
渴加茯苓去山梔。嘔加薑汁炒半夏。頭微疼
眼眶疼加葛根去山梔。

益元散

一名六一散
一名天水散

滑石

六兩

甘草

二兩

爲末每服三錢入蜜少許沸湯調服。熱者冷水
調服。傷寒熱不解加蒼朮末三錢蔥豉湯連進
數服汗出爲度。汗吐下後餘熱以此解之。虛
煩不眠加辰砂少許。一切風熱上壅咽喉不利。

加青黛薄荷少許。蜜丸噙化。產後腹痛自痢。用
補脾補血藥下。或加五靈脂能行血。止痢瀉甚。
加肉豆蔻少許。一切痰熱吐逆。及胃熱驚癇顛
狂。加黃連少許。薑汁蒸餅爲丸。

瘟疫

有瘟疫寒。疫此天地不正之氣。多感于房勞辛苦之
人。從口鼻而入。當隨時令。參運氣而施治。不可大
汗。大下。當從乎中治。而用陽明少陽二經藥。初看
未見端的。先以其敗毒散。加薄荷治之。看歸何經。

再隨經施治。見陽明經者用升麻葛根湯。見
少陽症者用小柴胡加防風羌活。少陽陽明兼
見者柴葛二湯合服。寒熱往來而大更泄者小
柴胡合五苓。寒多去苓。留桂。大便秘小柴胡
加大黃。小便秘小柴胡合四苓。發黃再加茵
陳。作渴小柴加石膏。知母。發狂不識人大柴
胡加當歸。如大便泄者三黃石膏湯。若入太
陰經無熱症見者用理中湯。此症必腹痛而瀉。痛
止仍用小柴胡。若人少陰厥陰經用陰症傷寒

傳經治之。如春夏染者。參看溫熱病二條。秋

時染者。多身熱咳嗽。金沸草散。若渴白虎湯加

蒼朮。若熱畜發痘。茵陳五苓散。若痢疾。人參

敗毒散。加陳倉米炒。倘燥太過。用潤燥散。冬時

染者。多身熱頭疼咽乾。人參敗毒散。或甘桔湯加

玄參。發斑者。陽毒升麻湯通用。加減調中湯。

預防四時疫氣。用藿香正氣散。四時外感發熱

惡寒。用香蘇散。四時感冒風寒。鼻塞頭疼。痰涎

嘔逆。用參蘇飲。又有大頭傷寒。天行時病初起。

寒熱身痛。次則頭面紅腫。疙瘡甚。則咽喉堵塞。害
人最速。多發于冬。溫之後。脉浮在表。用普濟消毒
散。或荆防敗毒散。脉沉在裏。羌活黃連黃芩
俱酒炒。大黃酒蒸。鼠粘爲主。迎兩目鼻面腫者。
陽明也。加乾葛升麻石膏赤芍藥。發耳前併頭
角少陽也。加柴胡瓜蒌仁。發腦後頸下腫起太
陽也。加防風荆芥水煎時呷。邪氣甚者。通大
便。加芒硝。遇凶荒勞後。宜普濟消毒散。
普濟消毒散 治大頭傷寒。

即普濟散

黃芩

黃連

各二錢

鼠粘子

藍板根

連翹

馬屁勃

各錢

陳皮

生甘草

桔梗

玄參

柴胡

各一錢

升麻

五靈

各五分

人參

三錢

爲末白湯調服。時時呷之。留一半蜜丸。噲化。或加
防風薄荷當歸川芎水煎服。大便硬加大黃。若
非便秘忌用。降下之劑。腫不消者。砭去血。可用
通關散。羊躑躅及藜蘆少許。搐鼻以洩其毒。
久不愈。欲作膿者。內服托裏消毒散。

風熱。飲

治蝦蟇瘟遍身如蝦蟆之皮皆屬

風熱。

羌活

防風

荆芥

黃芩

甘草

各二錢

煎服

又方

側柏葉自然汁調蚯蚓泥敷之。

又方

丁香尖南星醋磨傅之。

三黃石膏湯

黃芩

黃連

黃柏

山梔

各二錢

麻黃

錢半自汗者去之

石膏

五錢

香豉

三錢

水煎加辰砂服

又方 治時疫寒熱將黑豆二合炒香甘草二寸炙黃切碎用水煎時時啣之

理中湯

人參

白朮

乾薑

甘草

大便瀰者用散利者用丸 寒甚腹痛四肢冷加附子 臍下動氣欲作奔豚去朮加肉桂 吐多去朮加半夏薑汁製 下多還用朮 悸加茯苓

渴倍白朮

腹痛裏虛倍人參

寒倍乾薑

吐不止。去甘草。加薑汁。吐蛔。去甘草。加烏梅。
餽逆。加丁香。柿蒂。噦逆。加木香。癰亂轉筋。加
石膏。寒濕發黃。加茵陳。脾弱瀉不止。溺不利。
倍參朮。合五苓散。內虛腹痛。合小建中湯。墮
氏加肉桂。陳皮。茯苓。薑棗。臨服入陳壁土炒一匙。
自利肚腹痛。加木香。磨薑汁。腹痛甚。去白朮。
或陰結症。本方加大黃利之。

金沸草散

金沸草

荆芥

麻黃

甘草

赤芍

半夏

前胡

薑棗

潤燥湯

生地

山梔

升麻

柴胡

石膏

生薑

自汗加桂枝。無汗加蘇葉。乾葛。虛煩加麥門冬。渴加天花粉。咳嗽加杏仁。

陽毒升麻湯

升麻

犀角

射干

黃芩

人參

甘草

加減調中湯

芍藥

茯苓

白朮

麥門冬

生地

陳皮

桔梗

烏梅

痰加貝母。

熱甚加黃芩。

藿香正氣散

此方治內傷脾胃。外感風寒。若病在

太陽。頭疼發熱。骨節痛不可用。

藿香

紫蘇

白芷

大腹皮

茯苓

厚朴

白朮

陳皮

桔梗

半夏麩

甘草

薑棗

一方去白朮加香附米

香蘇散

香附

紫蘇

陳皮

甘草

蔥薑

頭目痛加川芎白芷

熱甚加柴胡

參蘇飲

人參

半夏

茯苓

陳皮

枳殼

桔梗

前胡

乾葛

甘草

紫蘇

後人去人參以川芎代人參柴胡代前胡名葛蘇

飲。若寒天氣促咳嗽加麻黃杏仁金沸草。若

溫天咳嗽加桑白皮杏仁。如有熱痰加黃芩瓜

蘖仁。周身骨節疼加羌活。婦人胎前產後加

川芎當歸芍藥。

又秘方 人中黃五錢蒼朮羌活各三錢煎服立愈。

胃湯 胃膈迷悶治法上焦而生痰也。

半夏六錢黃連二錢瓜蔓一箇

皮肉取四分之一作一服水二鍾先煮瓜蔓至

一鍾半下餘藥煎至一鍾溫服如未效再服口出

黃涎即愈。

大陷胃湯 胃前脹悶煩滿。不進飲食。及渴多飲水。

有停飲在上。行早之故。名曰結胃。

大黃

五錢

芒硝

一兩八錢五分

甘遂

二錢五分

為末。作二服。水二鍾煎大黃至一鍾。去渣入硝。前一沸。入甘遂。未溫服。得快利止。

脚氣

惡寒發熱。全類傷寒。但新起。脚膝軟弱。赤腫。為異。

此濕熱之所聚。在肌膚。流注于脚膝。

氣上行至心即死。治熱氣留于肌肉之中宜急治之少

蒼朮

黃柏

赤茯苓

牛膝

木瓜

木通

檳榔

甘草

黃連

烏藥

防已

各二錢

量輕重治之水煎空心服。

又方 敷紅腫處朴硝大黃寒水石牙皂為末以

子清調敷甚効。

又方 人中黃為末芭蕉水調傳甚妙。

食積

外症頭疼發熱惡寒。全類傷寒。惟身不痛。心腹飽悶。噎噎嘔逆。為異耳。甚者用滾鹽湯調阜茨末五分探吐。復用加味平胃散。頭痛身亦痛者。謂之夾食傷寒。加味治中湯。如表症多。藿香正氣散。裏症多。小承氣湯。

加味平胃散

蒼朮

厚朴

陳皮

各二錢

白朮

一錢

甘草

八分

乾薑

一錢

山查

神麩

草藥 各二錢
黃連 二錢
枳實 一錢
薑

臨服入木香磨汁調下。如腹痛加桃仁。痛甚大

便實去查麩。菓薑加大黃。

加味治中湯

陳皮 枳實 青皮 厚朴 各一錢

白朮 八分 甘草 五分 蒼朮 一錢 乾薑 五分

芍藥 砂仁 各一錢 二分

熱甚去白朮。加柴胡。嘔吐加薑汁炒半夏。

中飽去甘草。白朮加枳實。腹痛甚者加芍藥。

大黃。去乾薑。白朮。

夾痰症

憎寒壯熱惡風自汗胃膈滿悶氣上攻冲頭不昏夜

項不強者是也。有熱者芎蘇飲。金沸草散。柴胡

半夏湯。無熱者二陳湯。溫膽湯。通用。加味道導痰

湯。有痰結胃者。鶴頂丹。枳桔二陳湯。有痰

隱隱頭疼者。瓜蒂散吐之。

加味二陳湯

甘草 人分 半夏 一錢 茯苓 一錢 陳皮 一錢

南星

枳實

黃芩

白朮

黃連

瓜蒌仁

桔梗

杏仁

山查

柴胡

少佐

貝母

金沸草

薑汁

竹瀝

年力壯盛者先吐去痰後

服此藥。

瓜蒂散

瓜蒂

赤小豆

各五錢

爲末鹽湯調服。服後宜臥片時。欲吐且耐之。良久用精探之。

虛煩

外亦發熱。有類傷寒。初症但頭身不痛。不惡寒。脉不
緊數。但浮而無力。慎不可攻熱。去則寒生。

人參竹葉湯

石膏 五錢 人參 二錢 甘草 七分 麥門冬 一錢五分

淡竹葉 齒 粳米 一撮 水煎入薑汁二匙服

如氣弱大渴加倍人參。汗多加黃芪。痰加貝

母。泄加白木澤瀉。陰虛夜煩加知母。黃橘生

地芍藥。嘔吐去石膏加陳皮。茯苓。

加減補中益氣湯。勞力傷寒。頭疼發熱。惡寒。山嵐瘴氣。渴。自汗。身腿酸軟無力。此內傷氣血。外感風寒。故也。

人參

黃芪

當歸

生地

川芎

柴胡

陳皮

甘草

細辛

羌活

防風

白朮

薑棗蔥水煎溫服。

如元氣不足。加升麻少許。咳嗽。加杏仁。汗不

止。去細辛。加芍藥。胃中煩熱。加山梔。竹茹。乾

嘔加薑汁炒半夏。胃中飽悶去生地甘草黃蘗。

白木加枳殼桔梗。痰盛去防風細辛加瓜蒌仁。

貝母。腹痛去茵朮加芍藥乾薑。

蓄血症

外症寒熱往來但脉芤濇日輕夜重蓄于上焦則胸

血善忘嗽水不嚥胃脇腹皆滿痛譫語昏憤。

血結胃中用犀角地黃湯。蓄于中焦則頭汗發

渴發黃用桃仁承氣湯。蓄于下焦則如狂便黑

小腹急脹按之則痛用抵當湯。或用犀角地

黃九加青皮。大黃通用。小柴胡加桃仁生地。子茵陳一切血症藥。此皆治法不易傷寒。有馬承氣大下不解。反更兼善食者。瘀血也。所以打撲傷損症亦類傷寒。

犀角地黃湯

犀角

牡丹皮

各一錢

白芍

一錢五分

生地

三錢

一方有當歸錢半。

如表熱加柴胡黃芩。

鼻衄。

加山梔。

內熱甚加黃連。

腹脹或通瘀血未下。

加桃仁。

紅花大黃。

小腹急痛加青皮。

陶氏加

甘草。桔梗。陳皮。紅花。當歸。薑三片。臨服入藕節汁。

三匙調下。

紫雪 治發斑。譫語。蓄血。三陽症。煩燥。作狂。氣喘。

赤金 十兩 升麻 六錢 寒水石 各四兩 石膏 八錢

犀角 各 羚羊角 二兩 玄參 一兩 沉香 六錢

木香 各五錢 丁香 八錢 甘草 八錢

右以水五升。以赤金同升麻先煮。至三升。去金。入

諸藥。再煎。至一升。濾去滓。接朴硝三兩。二錢。微火

煎。熬。即成紫雪。

桃仁承氣湯

大黃 四錢
桃仁 三錢
桂枝 各三錢
芒硝 各三錢

甘草 一錢

右水煎溫服，血盡為度，未盡再服。陶氏加枳殼。

青皮、當歸、芍藥、柴胡、薑三片、臨服人蘇木一錢煎。

二沸熱服。

如傷寒犯內傷，食積蓄血，大便硬脹，不能言語，神思盡脫，兩目直視，手足僵仆，難以下藥者，將紫蘇煎湯，用手申泡熱絞乾，攤肚腹及小腹上，輕輕揉運手中。

漸冷卽換熱者。連連揉運。待宿糞硬塊。或積血下。纔
可用藥。如糞門結。用蜜導法。

江南溪毒

江東江西諸源澗有蟲。名曰短狐。溪毒。又名別公。其
蟲有翅。能飛。有一長角。橫在口前。如弩檐。臨其角端。
如上弓。以氣爲矢。無日有耳。能聽。在山源水中。聞人
聲。使以氣毒射人。故謂之射公。此蟲畏鷺。鷺能食之。
此症似乎傷寒。寒熱往來。身不喜冷。筋急體強。日疼
頭痛。張口呻吟。咳嗽呼吸悶亂。始終更不能言。初極

暮重非其土人中之使謂之傷寒。今說其狀以明其
症與傷寒別矣。

螺螄疔

惡寒發熱。胃膈作悶。身發紅點如蚊跡者。類乎傷寒。
此點起之于手。沿至于心前。其人發狂。悶亂而斃。不
知者。但以傷寒發斑治之。百無一生也。

治法

以三角針。刺其紅點之首尾處。出血。外用鏽鐵釘磨
水敷之。內服犀角地黃湯立愈。

方見前

水漬法

陽毒漸深六脉洪大內外結熱舌卷焦黑鼻如爛煤

疊布數重。新水漬之。稍搨去水。搭於患人。胃上須更蒸熱。又以別浸冷布。易之。頻換熱稍退。再進陽毒藥。

驗舌形瘡三十六種



舌見紅色。內有乾硬黑色。形如小長舌。有刺者。此毒

毒熾盛。堅結大腸。金受火制。不能平木。故也。急用

胃承氣湯下之。

講胃氣湯 方見前

白胎舌

白胎
淡紅

舌見白胎滑者。邪初入裏也。丹田有熱。脅中有寒。正少陽半表半裏之瘥。宜小柴胡湯。梔子豆豉湯治之。

小柴胡湯 方見前

梔子豆豉湯 方見後

將蘊舌

純紅

舌見紅色。熱蓄於內也。宜用透頂清神散。

透頂清神散

當歸

白芷

北細辛

猪牙皂角

右為末等分。和勻。令病人先噙水一口。以藥少吹入鼻內。吐去水。取嚏為度。如未嚏。仍用藥再吹。

中焙



純紅

舌見純紅。內有黑形。如小舌者。乃邪熱結於裏也。若

火熾盛。及兼水化。宜服涼隔散。大柴胡湯。

大柴胡湯方見前

涼隔散方見後




舌見紅色而有小黑色者熱毒乘虛入胃蓄熱則發

癍矣宜用升麻葛根湯加玄參化癍湯解之

升麻葛根湯方見前

化癍湯方見前



舌見淡紅。中有大紅星者。乃少陰君火熱之盛也。所
不勝者。假火熱以侮脾土。將欲發黃之候。宜茵陳五
苓散治之。


茵陳五苓散 方見後

黑尖舌
淡紅

舌見紅色。尖見青黑者。水虛火實。腎熱所致。宜竹葉

石膏湯治之。

竹葉石膏湯 方見前



舌見淡紅色而中有一紅暈沿皆純黑乃餘毒遺於

心胞絡之間與邪火鬱結二火亢極故有是症以承

氣湯下之

承氣湯方見前



舌見紅色更有裂紋如人字形者乃君火燔灼熱毒

丹臺玉案

二卷

三

炎上故發裂也宜服涼膈散

涼膈散 方見後



舌見紅色更有深紅色癍點如蟲蝕之狀者乃熱毒熾盛火在上水在下不能相濟故也宜小承氣湯下

小承氣湯 方見前



舌見紅色。內有黑紋者。乃陰毒厥。以肝經。肝主筋。乾
舌見如絲形。宜理中湯。四逆湯。溫之。

理中湯

四逆湯 方俱見前

死現舌



舌見黑色。水尅火明矣。患此者百無一生。治者審之。

黃胎舌



丹臺玉案

二卷

舌

舌見尖白根黃。其表症未罷也。宜解表。然後方可攻之。如大便秘。用涼隔散。加硝黃泡服。小便澀者。用五苓散。加木通。合益元散。加薑汁少許。白滾湯調服。

涼隔散

五苓散

方俱見前



舌見弦白。心黑。而脉沉微者。難治。脉浮滑者。可汗。沉

實者。可下。始病。即發此色。乃危殆之甚也。速進調劑。

氣湯

調胃承氣湯 方見前



舌尖白胎二分。根黑一分。必有身痛惡寒。如飲未不
 至甚者。五苓散。白汗溺者。白虎湯。下痢者。解毒湯。此
 亦危症也。


白虎湯 方見前

解毒湯 方見後

片室玉案

二卷

三五



舌見白胎。中有黑小點亂生者。尚有表症。其病來之
 雖惡。宜涼隔散。微表之。卽退。速當下之。下用調胃承

氣湯。

調胃承氣湯 方見前



舌見如灰色。中間更有黑帶兩條。此熱乘賢與命門

也。宜急下之。服解毒湯。下三五次。遲則難治。如初服量加大黃。

解毒湯 方見後

十八舌

微黃色

舌見微黃色者。初病即得之。發讖語者。出於失汗。表邪入裏也。必用汗下兼行之。以雙解散加解毒湯。兩停主之。

雙解散

丹臺玉案

二卷

三

解毒湯

方俱見後

十

九白胎

微黃

舌中見白胎外則微黃者必作瀉宜服解毒湯惡寒

者五苓散。

解毒湯

五苓散

方俱見後

十

微黃

舌見微黃色者。乃表症未罷。宜用小柴胡湯。合天水散。上之。可下者。大柴胡湯下之。表裏雙除。臨證時當審用之。

大柴胡湯 方見前



舌見黃色者。必初白胎而變黃色也。皆表而傳裏。熱已入胃。宜急下之。若下遲。必變黑色。為惡症。為九害。鬼邪氣深也。宜調胃承氣湯。

調胃承氣湯 方見前



舌左白胎而自汗者不可下宜白虎湯加人參三錢服之。

白虎湯 方見前



舌右白胎滑者病在肌肉為邪在半表半裏必往來

寒熱宜小柴胡湯和解之。

小柴胡湯

方見前




舌左見白胎滑。此臟結之症。邪併入臟難治。



舌見四圍白而中黃者。必作煩渴嘔吐之症。兼有表者。五苓散。益元散兼服。須待黃盡方可下。

益元散 方見前

五苓散 方見後



舌見黃色。而有小黑點者。和遍六腑。將入五臟。急服

調胃承氣湯下之。次進和解毒散。

調胃承氣湯 方見前

和解毒散

藁本

桔梗

甘草

炙各五錢

蒼朮

三錢

陳皮

厚朴

鹽製各一錢

右水一鍾薑三片棗二枚煎七分去渣不拘時服

解毒湯

黃連一兩 黃柏五錢 黃芩五錢 山梔六錢

右每服五錢水一鍾半煎至一鍾熱服

五苓散 加茵陳卽茵陳五苓散

澤瀉二錢五分 茯苓

猪苓

白朮各一兩

肉桂五錢

右每服六錢水二鍾煎至一鍾溫服

涼隔散

生甘草二錢 連翹四錢 山梔仁八錢 大黃二錢

黃芩

薄荷

朴硝

各一錢

右作一劑。水二鍾。加淡竹葉二十片。煎一鍾。不拘時服。以利為度。

梔子豆豉湯

梔子二錢 淡豆豉五錢

右水二鍾。煎七分。去渣服。

雙解散

加解毒湯

防風

川芎

當歸

白芍藥

大黃

麻黃

連翹

芒硝

各五錢

石膏

黃芩

桔梗

各一兩

滑石

三兩

甘草

二兩

荆芥

白朮

山梔

各五錢

右每服一兩水一鍾半。薑三片煎八分去渣服。

茵陳湯

茵陳

五錢

大黃

三錢

山梔仁

二錢

右水一鍾半煎至一鍾去渣服。

抵當湯

丹臺玉案

二卷

四

大黃 三錢

水蛭

糯米炒七枚

蝨蟲

炒去翅足七枚

右作一服水一鍾半煎一鍾去渣服。

十棗湯

芫花

醋浸炒

大戟

甘遂

煨各等分

右每服二錢弱人減半水二鍾棗十枚煎八分

渣服。



舌見黃而尖白者表少裏多宜天水散一服涼隔散

二服合進之。脈弦者宜防風通聖散。

防風通聖散 方見前

十二入舌 純黃

舌見黃而色有膈礙者。熱已入胃。邪毒深矣。心火煩渴。急宜大承氣湯下。若身發黃者。用茵陳湯下。血用抵當湯。水在脇內。十棗湯。結胃甚者。大陷胃湯。

大承氣湯

茵陳湯

抵當湯

十棗湯


大陷胃湯

五方俱見前



舌見四邊微紅，中央灰黑色者。此由失下而致。用大承氣湯下之。熱退可愈。必下三四次。方退。五次下之。而不退者，不治。

大承氣湯 方見前



舌見黃而黑點亂生者。其症必渴。讞語。脉實者生。

瀉者死。循衣摸牀者不治。若下之見黑糞亦不治。

大承氣湯

大承氣湯 方見前



舌見黃中黑至尖者熱氣已深兩感見之十人九死惡寒甚者亦死不惡寒而下痢者可治宜調胃承氣

湯主之

調胃承氣湯 方見前

丹臺玉案

二卷

望



舌見外淡紅心淡黑者。如惡風表未盡。用雙解散加
 解毒湯相半微汗之汗。罷急下如結胸煩躁目直視
 者不治。

雙解散加解毒湯
 方見前



舌見灰色。尖黃而不惡寒者。脈浮可下之。若惡風惡

者用雙解散加解毒湯主之。三四下之。見糞黑不

雙解散加解毒散 方見前



舌見灰黑色。而有黑紋者。脉實急以大承氣湯下之。麻浮渴飲水者。用涼隔散。

大承氣湯

涼隔散 方俱見前

舌	五	三
黑	微	淡
紅	黃	

舌根微黑。尖黃脉滑者。可下之。脉浮者當養陰退陽。若惡風寒者。微汗之用雙解散。若下利用解毒湯。十救七八也。

雙解散

解毒湯 方俱見前

舌	六	三
色	灰	
黃		

舌根灰黑。尖黃。隱見。或有一紋者。脉實。急用大承氣湯下之。脉浮渴飲水者。以涼隔散解之。十可救二三。

大承氣湯。
涼隔散。方俱見前。

已上三十六舌。乃傷寒驗證之捷要。臨症時當細心治之。百無一失耳。

灸少陰

少陰吐痢。手反不冷。反食飲水。脉不至者。

少陰即太谿穴也。太谿二穴。在足內踝後。跟骨上動脉陷中。灸七壯。

灸關元穴 臟結死症不可攻宜此

關元穴在臍下一寸是也。乃少陰任脉之會。

灸期門穴 婦人熱入血室 咳逆 打死

如人屈乳頭向下盡處骨間。丈夫及乳小者以一指為率。陷中有動脉是穴。艾炷如小豆大。灸五七壯。婦人熱入血室刺之下針。令病人吸五吸。停針良久起針。

附傷風

傷風之症。乃風邪客于腠裏。灑淅惡寒。噴嚏呵欠。頭

疾發熱。類于傷寒。但見風寒。即怕亦不太甚者。是也。

脉云

陽浮陰弱。大蓋肺部見浮者。多以此為辨。

立方

加味香蘇飲

川芎

紫蘇

羌活

防風

蒼朮

香附

甘草

荆芥

白芷

各三錢

葛根

前胡

各一錢

右加蔥頭十枚。生薑三片。煎服。以被覆取汗為度。

若以爲小疾而不治。日久則風入於肺。必成咳嗽。卽費調理矣。凡感風邪。初起忌服茯苓。以其味淡。善于滲泄。有表症服之。則引邪入于陰經也。如當用補。或消痰。或消食。以香蘇飲爲主方。隨症加減。不得一一細贅矣。

中風門 附癰症

夫人似乎無恙。而卒然中風者。豈一朝一夕之故哉。蓋內必先腐也。而後蟲生之。土必先潰也。而後水決之。木必先枯也。而後風摧之。夫物且然而況於人乎。

經曰。邪之所襲。其氣必虛。風豈能以自中乎。人亦人之自受乎風耳。使其內氣充足。精神完固。則榮衛調和。腠理緘密。雖有風將安入乎。惟其不戒暴怒。不節淫慾。或飢不暇於食。或寒不暇於衣。或嗜酒而好色。或勤勞而忘身。或當風而沐浴。或大汗而行房。或畏熱而露臥。或冒雨而奔馳。以致真元耗亡。氣血消盡。大經細絡。積虛彌年。平時無甚痛苦。而不知榮衛皆空。徒存軀殼。正猶無心之木。將折未折。無基之牆。欲頽未頽。其勢已不可支。而方且自謂無恙。遂迷而不

知戒。一旦爲賊風所襲。如劇寇操刃。直入無人之境。勢若破竹。不移時而皆潰。則枯酒談笑之間。舉步轉移之頃。卒然頓仆。頓爲廢人。不亦重可駭哉。由是觀之。雖由外風之中。實因內氣之虛也。然人之一身。表裏上下。未必皆虛。惟積虛之處。氣多不貫。而勢有偏重。故一爲風所入。而肢體是乎廢矣。若以臟腑言之。則又各有形症焉。中臟者。多滯九竅。故有唇緩失音。鼻塞耳聾。目瞶便秘之症。中腑者。多着四肢。故有半身不遂。手足不隨。左癱右瘓之形。又有中血脈者。則

外無六經之形症。內無便溺之阻滯。惟口眼歪斜。或左或右而已。而手足動靜起居食息。故無恙也。其或股不能舉。口不能言。更無別症。乃中經也。比中臟腑。則爲輕。比之中血脉。猶爲重耳。然因其病而藥之。則中臟者宜下。中腑宜汗。中經者宜補血以養其筋。中血脉者宜養血以通氣。此皆可治之症也。而又有難易于其間。中臟爲難。而中腑次之。中經又次之。其或初中于血脉。藥之而愈。苟不守禁忌。必復中。而中必在于臟。中一次則虛一次。虛一次則重一次。故中腑

雖可治也。由先中而脉與經而後及於腑。則難治矣。
中臟本難治也。由先中腑而後及于臟。則不治矣。若
中腑而兼中臟。與傷寒兩感者何異。其又可生耶。凡
中風口開者。爲心絕。手撒者。爲脾絕。眼合者。爲肝絕。
遺尿者。爲腎絕。聲如鼾睡者。爲肺絕。汗出如油者。爲
元氣內絕。筋痛者。爲無血。髮直指而爲頭上竄。面赤
如粧。而汗綴如珠。皆所不治之症也。其有一中卽死
者。何爲而如此之急耶。蓋人之五臟。以心爲君心也。
者。所以上宰乎一身者也。五臟之中。惟心最難死。故

人死氣絕。一身盡冷。而心頭獨熱者。以其難死故也。
中臟之人。不卽死者。以四臟之氣雖絕。而心猶未絕
也。一中其心。則枯酒未乾。片言未盡。而魂魄先亡矣。
縱有起死回生之藥。亦何所施乎。大凡中風諸症。總
屬風痰。初中之時。不論在表在裏。必先以攻痰祛風
爲主。待其甦醒。然後審其經絡。分其氣血而治之。不
可因其內氣之虛。而驟用補劑。蓋一中之間。道路已
爲痰阻絕。雖欲補之。孰從而補之。若其病的係太虛。
口眼不喎斜。手足不偏廢。便溺不阻澀。但汗出不收。

眩運不定四肢軟弱氣息短促方可用獨參湯而猶必佐之以橘紅。加以薑汁竹瀝始可服也。若無監制一時或可全愈而痰邪不泄當爲患他日或發癰疽必無救藥者矣。

脉云

風之中人六脉沉伏者多但以人迎爲主訣云中風口噤遲浮言急實大數三魂孤舉要云中風脉浮滑兼痰氣其或沉滑勿以風治浮大者帶虛浮緩者帶濕浮緊者帶寒其有微而數者虛弱熱極也。

立方

通關利竅散

治中風不省人事牙關緊閉湯水難

進。

麝香 一錢 半夏 三錢 青黛 八分 猪牙皂角 五錢

右為細末用少許吹鼻有嚏者生無嚏不治。

仙授立刺回生丹

牛黃 真西膽星 製過九次者 鉛霜 二錢

橘紅 廣皮去白 蛇含石 醋煨七次五錢

麝香 三錢 枳實 用小者炒一兩 瀝香 一兩 忌火

真金箔

片三十

朱砂

研極細
三錢

取鉛霜法

用出山鉛十觔。打寸許方牌。以線穿懸之。于大磁砵內。下以燒酒六觔。好醋二觔。上另以一砵覆之外。用鹽泥封固。熬在鍋內熱水中五日。取開。掃下。卽成鉛霜矣。

右各爲極細末。以竹漚加老薑汁爲丸。分作七十。二丸朱砂。金箔爲衣。外加蠟封之。每服一九去蠟。薑湯調下。此丹乃異人秘授。効驗通神。真萬金不易之方。予以濟衆心切。不敢自私。故爾錄之。廣傳。

治一切中風不拘臟腑中痰中氣不省人事垂危
等症灌下一丸立醒并治一切急慢驚風辛未年
秋樵李姚叔祥先生七旬有二忽然中倒不省人
事便遺出痰壅上聲如鼾睡手措眼合先賢有言
遺便者必不能治。按下一丸少頃。至至今甚捷
功效廣大救人甚溥不能一一槩錄。

小續命湯

治卒暴中風不省人事痰涎壅盛半身

不遂口眼歪斜手足顫搖言語蹇澀身體麻痺神
昏目眩筋脉拘攣四肢不能屈伸者并療之。

川芎

附子

童便製過
各八分

防風

官桂

黃芩

杏仁

去皮
尖

甘草

防已

各一錢
二分

人參

白芍

麻黃

去節各
一錢

水二鍾煎八分。臨服加薑汁五茶匙。

高藥順氣散

治一切風攻四肢骨節疼痛脚膝軟

弱婦人血風老人冷氣上攻胃腹脹痛吐瀉腸鳴

烏藥

陳皮

川芎

各二
錢

殭蠶

白芷

麻黃

去節

枳殼

桔梗

各
錢

甘草

乾薑

炒黑各
五分

水二鍾加薑三片。棗二枚煎八分。熱服。

研風湯 治風邪中入于臟狂言妄語精神錯亂

足不仁痰氣上逆。

茯苓 獨活 川芎 當歸

杏仁 白芍 防風 甘草 各八分

肉桂 四分 白朮 麻黃 白蘼皮 各七分

水二鍾薑三片。臨服加竹瀝半酒鍾熱服。

愈風湯 治言語難肝腎虛筋骨弱及風熱體重四

肢偏枯半身不遂一切中風等症

獨活

羌活

蟬殼

半夏

薑製

川芎

黃芩

酒炒各一錢二分

黃連

薑汁炒

白芍

酒炒

當歸

陳皮

荆芥

防風

各一分

生地

葳靈仙

金沸草

僵蠶

貝母

茯苓

各一錢五分

膽星

八分

水二鍾薑五片棗二枚煎八分溫服

稀涎散

治中風痰涎隔壅服此下痰

明礬

一兩

肥皂角

四條

右共為細末。每服五分。溫水調下。

清神解語。治中風痰迷心竅。不省人事。舌強不

能言語。四肢不能舉動。口眼喎斜。半身不遂。

石菖蒲酒

南星

薑汁炒

黃連

薑汁炒

茯苓

麥門冬

去心

防風

陳皮

當歸

各一錢

白芍

生地

川芎

遠志

去骨

半夏

薑汁炒

烏藥

枳實

羌活

甘草

炙

水二鍾。生薑三片。竹茹三分。煎熟。加童便。竹瀝。同

服。

保命金丹

治中風口眼喎斜手足躄拽言語蹇澀。

四肢不舉晨昏痰多。

貫射 七錢

生地

大黃 各五錢

青黛

板藍根 各三錢

朱砂

蒲黃

薄荷 各二錢

珍珠

龍腦 各一錢五分

麝香 一錢

牛黃 三錢

右為細末煉蜜丸如雞豆大每日晨昏以清茶調

化一九。

解語丸 治中風語言不止

白附子

石菖蒲

遠志

各一兩

全蝎

三錢

羌活

明天麻

僵蠶

各五錢

右為細末蜜丸菉豆大每服三十九空心薑湯下

正舌湯 治中風舌強難言

明雄黃

荆芥

各等分

右為極細末每服二錢以豆酒調下

稀菴丸 中風或初中或中過者并體胖之人宜久

服甚妙

稀莖草。又名火欬草。五月五日。或六月六。九月九。採者甚効。去其花實。只留葉。刷去葉上毛。以酒蜜拌入。甑蒸。晒九次。焙乾爲細末。煉蜜爲丸。如梧子大。空心以溫酒或米湯下。六十九服。過于服。鬚髮變黑。筋骨強健。飲食倍進。步履如飛。

類中風證

忽卒倒不語。但風必有斜歪。搐搦之症。爲異。有因受氣而中者。脉沉身冷。無痰故也。用薑湯調蘇合香丸。灌之。至醒。隨其寒熱虛實。調之。輕者用烏藥順氣散。

或曰此氣暴逆而然氣復卽已雖不藥而愈然閉口
脉絕者亦不治。

有因停食而厥者必胃中滿悶

有夏月卒倒爲暑風此類中風而實中暑者

有因火者內火外火合而炎鏢劉守真作將息失宜
一水不勝二火也

有因痰者火氣激搏痰塞碍心竅也 以上四者皆

用鹽湯吐之。

防風至寶湯

丹臺玉案

二卷

五

南星

防風

天麻

陳皮

當歸

半夏
各一錢

殭蠶
二分

白芍

川芎

甘草

青皮

梔仁

烏藥

羌活

黃芩

黃連

麻黃

白芷

牛膝

各八分

水二鍾加薑五片煎服。忌食蒜。

附癰疔

癰疔一發卽顛仆。眼直口吐痰沫。其聲類畜。不省人

事。少頃卽甦。此因驚風食而得之。其症有五。而似五

竅以應五臟。原因或七情之鬱結。六淫之所感。或因
大驚。神不守舍。亦有幼小受驚。以至痰迷于心。竅故
也。

脉云

虛弦為驚。浮洪為陽癇。沉為陰癇。浮散為風癇。

方

百神鎮心丸 秘傳
治五種癇症。并顛狂驚恐。痰迷心

竅等證。

羚羊角

犀角

各四錢

膽星

製過九次者

遠志去心 茯神去木 白子仁去油 石菖蒲

橘紅各八錢 礞石煨過六錢 大黃五錢 天麻煨過七錢

牛黃二錢 瓜瓞麩五錢 麝香二分 朱砂二錢

真金箔三十張

右為細末竹瀝同膽星打糊為丸。朱砂金箔為衣。每服空心薑湯送下一錢。

消心豁痰湯

石菖蒲去毛 麥門冬去心 茯苓去皮 枳實各二錢

遠志去心 天花粉 貝母去心 酸棗仁去油

玄參

黃連

煎汁炒

橘紅

各一錢

甘草

稍四分

水二鍾加薑五片竹茹八分煎一鍾溫服

癩風門

天癩風者。即大痲風也。又名曰癩。蓋緣感受天毒。殺之氣。古人謂之癩風。以其階烈暴悍。可畏。爾人癩之。須分上下治之。看其疙瘡。先見上體多者。病在上也。先見下體多者。病在下也。人之一身。總不外乎氣血。血隨氣以爲之。運化氣所傷。則爲凝滯。氣滯則血必聚矣。血聚不行。則肉爛生蟲。鼻崩眉墮。此固理之

必然者。然風之入人。又有氣血之分。氣受之。上身多。血受之。下身多。上下俱多。氣血俱病也。凡治此症。必當審其從上從下。治之。然所主不外乎陽明一經。蓋陽明主胃。無物不受。病之所感如此。非醫者神手病者鐵心。罕有免于死焉。按法治之。惟宜絕厚味。斷酒色。戒勞碌。若不守此。雖或少愈。必至再舉。則無救藥矣。

脉云

浮洪者屬風熱。浮滑者屬風痰。沉遲無力。氣血俱虛。

難治。

立方

換肌散

治大痲風年深不愈眉毛墮落鼻梁坍塌

額顛腫破此方神効

白花蛇

三兩烏稍蛇

三兩酒浸一宿

地龍

六兩三兩

當歸

酒製

北細辛

白芷

各一兩

天麻

蔓荆子

葳靈仙

荆芥穗

甘菊

苦參

紫參

沙參

木賊

不灰木

川芎

甘草

炙

沙苑蒺藜

天門冬

赤芍

何首烏

石菖蒲

九節

胡麻炒

草烏頭

蒼朮

米泔浸

木鱉子

去殼

定風草

各三兩

右同為細末。每服五錢。食後酒調服。

通天再造散

治大癩風初起。

鬱金

一錢五分

大黃

一兩炮

白牽牛

六錢五分半生半炒

皂角刺

一兩黑大者去尖

右為末。每服五錢。日初出面東。以無灰酒調下。

祛癩神效丸

丟子肉 二觔

防風 二觔半

白蒺藜 二觔半

荆芥 二觔半
銀柴胡 六兩

胡黃連 六兩
草胡麻 二觔半

當歸 二觔半
酒浸

蕪荑 二觔半
木鱉子 十五兩
去殼

薄荷 一觔

諸品藥味切要精製為末以酒為丸每服五錢日服三次輕者五六升重者一斗即愈

若脾經受病加白朮五兩 肺經受病加黃芩五兩

胃經受病加厚朴五兩 肝經受病加連翹五兩

心經受病加山梔仁胡黃連各八兩 腎經受病

加破故蒂五兩。五臟受病加蒼朮四兩甘草二

兩。六腑受病加葳靈仙四兩續斷四兩何首烏

八兩。春則氣暖融和加連翹一兩。夏則大旺

煩燥加胡黃連八兩薄荷八兩。秋則乍寒乍暖

多生霧露加蒼朮八兩白朮八兩。冬則嚴寒才

凍加烏藥一兩。面生浮腫加白芷五兩續斷八

兩。遍身浮腫加蒼朮八兩。脚底腫加牛膝八

兩。手蹇攣加葳靈仙八兩。骨節疼痛加虎骨

一觔。凡遇是病依前去加減其驗如神。

消腫瀉毒湯 治面腫痛十日可瀉一次。

苦參 三錢
白蒺藜
草胡麻
連翹

大黃
芒硝 各二錢
防風
瓜子肉

羌活
獨活 各五分
牛膝
白芷

蒼朮
木瓜 各一錢

水二鍾煎八分空心服。瀉三次。以溫粥補之。午後

再服丸藥。

搽藥方 治遍身發斑

川椒 一兩五錢炒黑
枯礬 一兩五錢
水銀 三錢

丹臺玉紫 二卷 五

松香 一兩
蛇床子 一兩
大楓子肉 一兩

苦參 一兩
五錢
硫黃 一兩
防風 三錢

右為細末菜油調搽。

六熊散 治脚底心爛。

辰砂 一兩
水片 二錢
熊膽 二錢

右為細末鷄子白調搽。每日洗三次。搽三次。自見

全愈。

麻門 附症

麻者逆也。陰陽氣不相接則厥。手足逆冷是也。其症

不一散之方書者甚多。今姑撮大槩。有陽厥煩渴。身熱。妄身熱。而其脉洪數也。有陰厥身冷。脉沉。足踈臥。身青。或自利不渴。小便色白也。然陽厥伏熱深而身慄。及見身冷。脉微。欲絕而死者。陽極似陰。服熱藥即死。陰厥虛寒。甚而發燥。欲坐于泥水之中。此陰極似陽。服寒藥即死。不可不辨。外此又有暑厥中暑。氣發厥。脉虛自汗。有氣厥。因暴怒而得。即氣中也。與中風相似。風中身熱。氣中身冷。有痰厥。其脉洪滑。或咽中如拽鋸聲。有虵厥。胃中冷。吐出長蟲者。是有氣虛。

厥脉細者是有血虛厥。脉大如蔥管者是有驚厥。因勞後後飲水被驚而發者是有尸厥。凡吊處問疾。或入廟登塚。卒中外邪與臟氣相忤。氣道不行。忽手足冷。頭面青黑。牙關緊急。昏暈。卒倒。或錯言妄語。決不可作風治。

脉云

厥逆之脉。多於沉伏者。但沉遲散爲之寒。沉伏而數爲之熱。浮而無力者是氣虛。洪滑有力屬頑痰。沉滑身冷者難治。

立方

蘇合丸

凡厥瘧先以薑汁調服灌醒然後議脉辨

瘧用藥

白朮 土炒

青木香

硃砂 飛研水 犀角

沉香

麝香

訶梨勒 煨取皮

安息香

酒熬膏

丁香

白檀香

葶撥

香附

以上各二兩

龍腦

五錢

薰陸香

酥合油

各一兩

右為細末研勻和安息香膏加煉蜜丸如龍眼核

大每服一丸。

大承氣湯 治陽厥與陽極似陰。方見傷寒門

四君子湯 治氣虛厥。

白朮 土炒 白茯苓 去皮各一錢

人參二錢

甘草 五分

水二鍾加黑棗二枚。熱服。

四物湯 治血虛厥。

當歸 白芍 川芎 懷生地 各二錢

水二鍾加龍眼肉七枚不拘時服。

加味理中湯 治虻厥。

大附子 童便製 一錢

乾薑 炒黑

甘草

白朮 土炒 各八分

肉桂

川椒 各六分

水二鍾烏梅三箇煎服。

逐痰湯 治寒痰發厥。

廣橘紅 錢二分

甘草 各一錢二分

大附子 川貝母 各一錢

水二鍾加竹瀝薑汁煎服。

四逆湯治陰厥厥與陰極似陽。方見傷寒。

社暑湯 治暑厥氣升不省人事。

香薷

厚朴

薑汁炒

白扁豆

各一錢炒

沉香

二錢

川黃連

酒炒

陳皮

桔梗

各一分

水二鍾加燈心三十莖煎七分服。

烏藥順氣散

治氣逆厥

方見中風門

鎮邪飲 治尸厥如神先以蘇合丸灌醒再服此方。

紫朴

膽星

蒼朮

廣木香

橘紅

各一錢

甘草

辰砂

各三分

水二鍾加薑汁半盞酒一盞同煎服

附瘧

其瘧與癘相似。比癘爲甚。癘則身軟。時醒。瘧則身強。不醒。甚有昏冒而遂亡者。所因不同。治法亦異。因外感者。有剛柔二瘧。太陽病發熱無汗而反惡寒。曰剛瘧。其症脚攣。咬齒。眼開。甚則搐搦反張者是也。有汗不惡寒。曰柔瘧。其症四肢不收。時或搐搦閉目是也。因內虛者。七情鬱悶。或產後。或金瘡。或跌仆撲傷。瘧疽潰濃之後。一切去血過多。無以養筋。而攣急。角逆反張。若用風藥反燥其血。而致不救也。有因虛受

邪。而挾痰火濕熱者。痰壅發瘥不醒。或則手足搐搦。左右動搖。火則遍身戰掉。猶火炎而旋轉也。熱則身滿口噤。咬牙脚攣。臥不着床。大便閉。仍忌風藥。如大人脊下容側手。小兒容二指處。汗出如珠者。皆不之症也。

脉云

脉按之築。築然而弦。直下直上。如雨濺散出指外者。立死。

立方

葛根湯 治剛症。

乾葛 四錢
麻黃 三錢
桂枝
甘草

羌活 各二錢

薑三片。棗二枚煎服

桂附湯 治柔症。

官桂
大附子
防風
黃芩

川芎
防己
甘草
玄參 各一錢

生薑三片煎熟熱服

八味順氣散 治七情症。

丹臺玉案 二卷

畜

陳皮

青皮炒

白茯苓去皮烏藥各一錢五分

人參

白朮土炒

白芷各一錢甘草三分

水二鍾。加黑棗二枚煎熟熱服。

益元湯 治去血過多瘧。

當歸

生地

人參

黃耆各二錢

川芎

白朮

丹皮各一錢五分

水二鍾棗一枚煎服

祛風逐痰湯

治痰瘧挾風。

半夏麩

枳實炒

橘紅各一錢五分

枯梗炒

膽南星

明天麻濕紙包煨

防風

薄荷

各一錢全蝎七枚洗淨

水二鍾加竹瀝半酒栝薑汁十茶匙

抑火湯 治火瘥

川黃連

酒炒當歸酒洗

白芍酒炒

黃芩酒炒

黃栢炒各一錢五分

知母鹽水炒

枳殼麩炒

甘草

玄明粉

各錢

水二鍾加燈心三十莖童便半酒栝。

麻木門

耐脫陽

夫膏以麻木爲一病。而不知麻與木固自有不同也。
所謂麻者。非癢非痛。肌肉之內。如千萬小蟲亂行。雜
而接之不止。搔之愈甚者是也。所謂木者。非癢非痛。
而已之肌肉。如他人之肌肉。按之不知。搔之不覺者。
是也。麻如木之亂。故名曰麻木。如木之厚。故名曰木。
猶知痛癢。而木則全無覺矣。然求其病之所屬。將
何以斷之。蓋麻有久暫。本有久暫。暫時之麻者。或因
臥不得其所。四體相壓。阻節滯衛。血行既遲。而氣
不至故也。然麻或太甚。亦有似于木焉。暫時之木。

內坐臥不得其所。四體重壓。又着寒氣。一時不
護持。而榮衛不相聯屬。血已不行。而氣久不全。故
然木或還醒。亦有似于麻焉。此其暫時之麻木。雖
因氣血不足。而有未足爲病。惟久麻久木者。斯爲病
也。蓋經年累月無一日而不麻者。麻之久者也。麻之
甚者。非坐臥不穩所致。必其內氣虛甚。風痰轉爲患
不能作麻。以其挾于風邪。痰爲風之所壅。如風吹波
浪。自騰沸而去。肌肉之中已爲風痰所據。陰陽二氣
失其運行之柄。安得而不麻乎。經年累月無一日而

木者木之久者也。亦非坐臥不穩所致。乃是血
凝滯于內外。挾風寒。又因陽氣虛敗。不能運動。而肉
已死。若與我不相干。此其所以木也。人之一身。皆氣
血所養。氣血行遲。卽能成病。況其不行乎。此久麻久
木所以可畏也。然麻木之處。小猶可治之。若半體一
肢。甚難救療。醫者知此。則人之死。生病之輕重。了然
于胸中。而用藥之妙。尤在善處。其可以執法乎。使暫
麻暫木。而用重劑。則損其真元。久麻久木。而用輕劑。
則不能取效。審而治之可也。

脉云

脉浮而濡屬氣血虛。脉浮而緩屬濕。脉浮而緊屬寒。脉濇而芤屬外血。脉緊而滑屬濕痰。

立方

人參調元湯

治一身麻木四肢倦怠。

人參

沙參

黃耆

各二錢

甘草

五分

肉蓯蓉

白芍

川芎

各一錢

北五味

七粒

水煎溫服。

舒氣活絡丸

治男婦七情所感氣血不行手足頑

麻。

當歸 酒洗

白芍 酒炒

沉香 忌見火

香附 醋製各二兩

桂枝 入錢

川芎

牛膝

烏藥

蒼朮 炒

薏苡仁 炒

生地 忌飲器

柴胡

丹皮 炒

桑寄生 各二兩五錢

甘草

防己

茯神 各一兩 大附子 一箇童便黃連製

右爲末。老薑四兩搗汁。加水法爲丸。每服空心服

三錢。白滾湯下。

天凡麻木之屬。雖有風痰瘀血之分。然治療之藥皆

當以熱藥爲引導。如生薑、附子、官桂、川烏之類。以引經藥引至各經。如手臂用桑條、股足用牛膝、葳靈仙之類。以行氣藥通其氣。如烏藥、木香、枳殼、青皮之類。以通竅藥開其經絡。如木通、穿山甲、牙皂之類。有痰則去痰。有風則去風。有血則行血。此其總綱也。

入麻者皆氣虛爲風痰所轉也。然係氣虛亦不暇補其氣。先補其氣則風無能而自散。痰無能而自去矣。宜以生薑爲引導。枳殼以開氣。半夏、南星以逐痰。防風、羌活、荆芥以散風。牙皂、木通以通經絡。手臂用桑

條。股。足。用。牛。膝。以。引。經。待。其。病。減。然。後。用。參。耆。白。朮。
茯苓。甘。草。之。類。可。也。

久。木。者。皆。陽。氣。不。運。血。滯。凝。外。挾。風。寒。所。致。也。宜
以。附。子。官。桂。之。類。以。爲。引。導。木。香。之。類。以。開。其。氣。川
山。甲。木。通。牙。皂。之。類。以。通。經。絡。當。歸。桃。仁。蓬。朮。紅。花
阿。魏。之。類。以。消。其。血。因。其。病。之。所。在。以。引。經。藥。引。之。
加。桑。條。牛。膝。之。類。待。其。病。減。以。入。物。湯。補。其。血。可。也。
皆。土。麻。木。以。羌。活。爲。引。經。曾。前。麻。木。以。桔。梗。爲。引。經。
風。用。風。藥。痰。用。痰。藥。皆。以。開。氣。爲。主。而。此。三。處。惟。以。

正薑爲引導。而附子之類不必用也。

遍身肌膚大麻癢。淫淫然如蟲行者。風也。宜以殭蠶爲君。羌活防風爲佐。烏藥以勻氣。木通以開經。生薑爲引導。蓋木通能行十二經絡。烏藥能勻一身之氣。生薑能開一身之轉理。羌活防風能去一身之風。而殭蠶一味專治如蟲行者之聖藥也。至於加減輕重之間。則存乎其人耳。而豈吾之所能備述者乎。

附脫陽

大吐大瀉。或房慾過度。大耗真元。陽氣旣去。陰血不

能固守。亦隨而脫去也。如丈夫交媾過度脫在婦人身上。須婦人緊緊抱住。用氣噓入口內。少頃自省。若就放開必死。

回陽湯

大附子

三錢 人參 二錢

白朮

乾薑

各一錢

廣木香

一錢五分

水煎熱服

蒸臍法

蔥葉一大把。以線紮緊。兩面切平。半寸厚。內用麝

香三分。摻入蔥內。外加艾圓灸之。以蒸熱氣入腹。
神妙。

熨氣海穴。在臍下

食鹽一觔炒熱。先熨氣海。再服回陽湯。

中暑門。附注夏

暑者夏月炎蒸之氣也。丙丁當權。祝融用事。炎威酷烈。鑠石流金。柔脆之軀。不堪燔炙。而中暑之病。有不免矣。病之初起身熱。自汗。口渴。面垢而已。其餘雜症。皆後傳變。然昔人有中熱。中暑之分。豈暑之外別有

所謂熱耶。蓋暑與熱本無所異。而人感之則有異耳。富貴之人避暑於涼亭水閣之中。脩竹遶欄而成蔭。清泉漱玉而生寒。偃篔簹以取涼。揮羽扇以祛熱。浮瓜沉李以消渴。鮮菱脆藕以解煩。自謂可以無暑矣。不知富貴必生驕奢。驕奢必生淫慾。元氣日消。肌裏必疎。坐談之頃。卒然爲暑風所傷。邪氣直入。霎時昏瞶。迷不知人。此所謂靜而得之爲中暑是也。貧窮勞苦之人。竭力於畝。歛而汗血成漿。驅馳於道途。而咽喉饑炙。赤日方爲暍。而清風不來。熱地已成爐。而寒泉

難覓精神疲而欲絕筋力困而不知卒然傾仆不省
人事此所謂動而得之爲中熱是也然暑初入自口
鼻牙頰達於心胞絡以火犯火故古法當暑取冷水
灌漑勿嚥入肝則眩暈頑麻入脾則昏睡不覺入肺
則喘咳痿躄入腎則消渴中暑歸心神昏卒倒此症
之重者緩則爲傷淺急則爲胃深又爲伏暑又何以
辨之蓋傷暑在肉分周身煩燥或如針刺或有赤腫
蓋天氣浮於地表故人氣亦浮於肌表也胃暑或腹
痛水瀉者胃與大腸受之惡心者胃口有痰飲也伏

暑卽冒暑。久而藏伏三焦腸胃之間。熱傷氣而不傷形。旬月莫覺。變出寒熱不定。霍亂吐瀉。膨脹中滿。瘧痢煩渴。腹痛下血等症。但暑氣病多不身痛。間有痛者。或爲熱浴水濕相搏耳。又有暑風厥。手足搐搦爲風。手足逆冷爲厥。治此病者。當視其所處貧富。所爲勞逸。所稟虛實。所感輕重。而斟酌用藥。斯得之矣。

脉云

經曰脉虛身熱。得之傷暑。舉要曰熱傷於氣。所以脉虛。弦洪花遲體狀無餘。

立方

祛暑神秘丹

治夏月中暑率倒不省人事。一丸立

八總

青蒿 淨末 一觔

白梅

烏梅

生薑

各四兩

生薑皮 一兩

沙糖

十兩

右為末。共搗為丸如龍眼肉大每服一丸井水調

下。

解急方法

中熱在路昏迷不知人事湯藥不便恐

氣脫難治急扶陰涼處不可臥濕冷地掬道士熱

土於臍上撥開作竅令人尿於其中急求生薑或
蒜嚼爛以熱湯或童便灌下外用布蘸熱湯慰氣
海立醒醒後切勿飲冷水飲之即死

香薷飲

治臟腑冷熱不調飲食不節元氣久虧好

食生冷或臥濕地當風取涼中暑等症

香薷

五錢

厚朴

二錢薑汁炒

白扁豆

一錢五分炒

右為一劑水煎候冷不拘時服

中暑復傷風搖

搦不省人事加黃連羌活

伏暑頭痛小便澀濁

加茵陳車前子

霍亂吐利加藿香木瓜生薑

臟腑積熱。便血。加枳殼。黃連。赤芍。烏梅。小便有

血。加藎麥。小蘗。車前子。壯熱大渴。或五心煩熱。

加麥門冬。淡竹葉。茅根。燈草。脚氣作痛。行步艱

難。加木瓜。羌活。陳皮。蒼朮。枳殼。半夏。中風。加防

風。羌活。手足搐搦。加羌活。白芷。挾痰。加南星。半

夏。腹痛。小兒。赤。加枳殼。木通。甘草。單只腹痛。

加黃連。枳殼。赤芍。莪朮。

清暑益氣湯。治夏月暑熱。蒸人。不思飲食。四肢乏

力。神思困倦。小便赤澀。大便作瀉。時時作渴。胃膈

飽悶。

人參

白朮 土炒

黃耆 各一錢 蜜炙

北五味 二十粒

當歸

麥門冬 去心

甘草

乾葛

青皮 炒

神麴 炒

澤瀉 各一錢 二分

黃柏 酒炒

陳皮

蒼朮

升麻 各八分

水二鍾煎七分温服

脉散 夏月以此代茶能生津液益氣和中

人參 一錢

麥門冬 二錢 去心

北五味 二十粒

水煎當茶飲之。

消暑十全湯

治傷暑頭目昏重潮熱煩悶多渴嘔

吐身體倦怠并一切伏暑暑瘧神効

香薷

木瓜

蘇葉

厚朴

各一錢二分

人參

甘草

白茯苓

白朮

白扁豆

半夏

白芍

各一錢

水二鍾煎七分不拘時服

消暑六和湯

治心脾不調氣不升降霍亂轉筋嘔

吐泄瀉寒熱往來痰喘咳嗽肢體浮腫嗜臥昏倦

小便赤色并冒暑中酒。

人參

杏仁去皮

厚朴薑汁炒

白茯苓去皮各一錢

香薷

白扁豆炒

砂仁炒

半夏薑製

藿香

各一錢五分

甘草

木瓜各八分

加薑三片棗二枚煎七分熱服。

桂苓甘露飲

治伏暑飲水過多肚腹膨脹霍亂吐瀉。

瀉。

澤瀉

猪苓各一錢二分

寒水石二錢

桂枝八分

蒼朮

滑石

甘草各一錢

水煎溫服。

消毒飲 治暑毒入內心中煩燥睡臥不寧精神恍惚。

惚。

香薷 川黃連 遠志肉 各一錢

石膏 麥門冬 各一分 北五味 二十粒

生甘草 茯苓 各八分

水一鍾。加燈心三十莖煎服

辰砂益元散 治中暑身熱小便不利睡不安穩此

藥清心火除胃脘熱。

滑石 六兩 飛淨 甘草 一兩 皮淨 去

辰砂 一兩 極細 研

右共為細末。每二錢。燈心湯調下。

冷香飲子。治虛人中暑。煩渴身倦燥甚。服涼藥不

効者。

大附子 二錢 橘紅 一分 甘草

草果 各一錢

水二鍾。加薑五片。煎八分。熱服。

辰砂五苓散。治中暑煩渴。身熱頭疼。霍亂吐瀉。小

便短少。心神恍惚。

白茯苓 去澤瀉 去毛 猪苓 各二錢 白木 一錢二分 上炒

官桂 一錢
辰砂 八分極細

水二鍾加燈心三十莖煎服

附注夏

每遇春末夏初便覺頭疼脚酸神思困倦飲食減少
四肢消瘦軟弱乏力。

補中固元湯 治注夏一切等症

人參

黃耆

白木

甘草

各錢

生地 二錢

當歸

陳皮

各八分

棗二枚煎八分臨臥服。

又方 汨汗不時出發熱惡寒四肢無力作渴。

石膏

二小煨熟

知母

鹽水炒

人參

甘草

陳皮

玄參

各一錢五分

加浮小麥八分煎服。

中濕門

附痿症

濕者。天地鬱蒸之氣也。方其升騰於上。氣猶籠結而未開。雖寒天值之。亦覺其温煖。此濕氣之熱者也。及其布護於下。氣將流演而舒散。雖暑月值之。亦覺其清涼。此濕氣之寒者也。濕氣之熱者。多中於氣虛之

人則發而爲濕熱之症。頭面如裹。而四肢浮腫。身體
沉重。而轉側不便者是也。濕氣之寒者。多中於血虛
之人。則發而爲寒濕之症。四肢酸疼。而關節不利。筋
脉拘攣。而行履重滯者是也。其有不因鬱蒸之氣而
得者。必其冒雨而行。涉水而走。或露臥以取涼。或汗
衣而不解。漸漬於肌肉之中。滲入於骨髓之內。流溢
於脾胃之間。牢纏於腰腎之處。則肌肉冷而骨髓痛。
脾胃薄而腰腎疼。挾於風痰。則麻而不仁。兼乎瘀血。
則木而不覺。動乎火邪。則腫痛而難忍。隨其所感而

病斯痼焉。其有不因冒雨涉水等而得者。必其內傷
生冷酒麵之類。多肚腹腫脹。醫者審其濕之。或寒或
熱。或虛或壯。病之在上在下。感之在外在內。因其病
而察之。庶乎其得之矣。

脉云

中濕之脉。沉緩微細。兼風者浮。兼寒者澹。兼熱者滑。
兼痛者洪。而浮緩濕在表。浮而緩濕在裏。沉而微。
立方

赤湯

治濕傷脾胃。下部虛腫。大便泄瀉。小便不

丁香

蒼朮

白朮

薑黃

茯苓

甘草

陳皮

各等分

棗二枚。薑三片。煎八分服。

燥湯

治六七月之間濕令大行。子能令母實。致

寒涼以救之。燥令受濕熱之邪。絕寒水生化之源。源絕則腎虧。腰下痠軟。癱瘓不能舉動。行步不正。此方主之。

茯苓

去皮

蒼朮

米泔浸炒

澤瀉

猪苓

人參各一錢神麩炒

當歸蜜炙

橘紅各八分升麻

黃栢酒炙柴胡

白朮土炒甘草

生地 麥門冬各七分去心

北五味九粒

棗二枚煎八分服。

腎著湯 治腎傷濕身重腰冷如坐水中不渴小便

自利。

雲朮

茯苓各二錢乾薑一錢五分甘草五分

棗二枚煎七分熱服。

防已黃耆湯

治風濕相搏客在皮膚四肢少力。

防已 二錢五分

白朮

黃耆 各二錢

甘草 八分

薑三片棗二枚煎七分服

獨活寄生湯

治腎氣虛弱坐臥濕地或當風取涼。

風邪流人脚膝為偏枯冷痺緩弱疼痛行步艱難。

并治白虎歷節風。

白芍 酒炒

獨活

當歸 各一兩

桑寄生 二兩

熟地 酒煮

人參

川芎

茯苓 去皮

杜仲 鹽水炒

秦艽 各五錢

防風

牛膝

細辛

桂心 各四錢
甘草 一錢
炒

右剉一劑。加生薑煎熟。作數次服。

栝木四製丸

滋陰抑火開胃進食能除周身之濕。

川黃栝

去皮四觔 酥炙一觔 人乳浸一觔
童便浸一觔 鹽水浸一觔

茅山蒼朮

括去皮二觔 川椒炒八兩 破故
紙炒八兩 五味子炒八兩 當歸

炒八兩

揀去同炒之藥。只用蒼朮黃栝為末。煉蜜為丸。如

梧子大。每服五十九。空心酒下。

生附湯

治濕漚下部兩足無力步履艱難腰膝疼

肩等症。

大附子

蒼朮

香附

白朮

各錢

甘草 三分

乾薑

五分

杜仲

牛膝

茯苓

厚朴

各八分

薑三片。棗二枚。煎八分服。

當歸拈痛散

治濕熱為病。肢節煩疼。肩背沉重。流

注足脛。痛不可忍者。口乾壯熱。兩足濕毒瘡痛癢。

當歸

防風

黃耆

各一錢

甘草

五分

黃柏

玄參

人參

茯苓

白朮

蒼朮

各八分

乾葛

升麻

知母

茵陳

羌活

各六分

水二鍾煎八分服。

熱瀉濕湯

治濕攻注四肢。周身發腫。面色痿黃。

小便不利。

茯苓

黃連

車前子

各一錢二分

木通

猪苓

滑石

蒼朮 錢

石葦

山藥

黃柏

各八分

燈心三十莖煎八分空心服。

附痿症

四肢軟弱。身體重滯。經年不能起床。而飲食如故。本
痛不酸。有似乎濕。而實非濕。乃肺經受熱。其葉焦。至
不能統攝一身之氣。故成痿疾。

脉云

舉要曰。尺脉虛弱。緩濇而紫。洪大者不治。

立方

閏肺扶氣湯

治痿症。肺枯氣弱。

茯苓

人參

白朮

甘草

麥門冬 黃芩 各一錢
桔梗 百合

薏苡仁 各八分
北五味 九粒
當歸

生地 各一錢
二分

水煎加藕汁半鍾食後服

又方 治火灸肺枯不能統攝

山梔仁 炒
瓜蒌仁 去油
當歸 酒洗
生地

百部 各一錢
五分
紫河車 二錢
天門冬 去心

陳皮
桔梗 蜜炒
人參
沙參 各一錢

棗二枚 燈心三十莖 食後服

丹臺玉案